



UPRAVA POLICIJE

Broj: 05-04/06-11-450/23/RS – LOT 2
Datum: 12.06.2023. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama BiH („Sl. glasnik BiH“, broj: 39/14 i 59/22), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-450/23 od 09.06.2023. godine, a na osnovu člana 26. i člana 27. stav (3) Zakona o unutrašnjim poslovima Unsko-sanskog kantona (“Službeni glasnik USK - a”, broj 13/16 i 16/17), u postupku javne nabavke roba – kancelarijskih stolica za potrebe Uprave policije MUP USK-a, načelnik Sektora kriminalističke policije Uprave policije MUP USK-a **d o n o s i**:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 05-04/01-1-11-450/23 od 09.06.2023. godine i ugovor za javnu nabavku roba – kancelarijskih stolica za potrebe Uprave policije MUP USK-a - LOT 2 dodjeljuje se ponuđaču „**R&S**“ **D.O.O. SARAJEVO** za ponudenu ukupnu cijenu u iznosu od **17.703,00 KM** (slovima: sedamnaesthiljadasedamstotinatri i 00/100 KM) bez uračunatog PDV-a, na osnovu kriterija za dodjelu ugovora „najniža cijena“.

Član 2.

Izabrani ponuđač je dužan da u roku od 7 (sedam) dana od dana prijema ove odluke dostavi originale ili ovjerene kopije dokumenata iz člana 45. Zakona o javnim nabavkama. Ova obaveza se ne odnosi na ponuđače koji su ovjerene/originalne dokumente iz člana 45. ZJN dostavili uz ponudu.

Član 3.

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima (uslovima) ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 4.

Za izvršenje ove odluke zadužuje se i ovlašćuje Sektor za materijalno-finansijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 5.

Ova odluka će biti objavljena na web-stranici ugovornog organa www.mupusk.gov.ba uz istovremeno upućivanje ponuđačima koji su učestvovali u postupku javne nabavke, i to elektronskim sredstvom (mailom), shodno članu 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 05-04/06-11-450/23/RS od 11.05.2023. godine.

Javna nabavka je provedena primjenom konkurentskog zahtjeva za dostavljanje ponuda. Kriterij za dodjelu ugovora je najniža cijena.

Ukupna procijenjena vrijednost javne nabavke iznosi do 50.000,00 KM (slovima: pedesethiljada i 00/100 KM) bez PDV-a. Nabavka je podijeljena na 2 (dva) LOT-a i to:

LOT 1 – kancelarijske stolice, procijenjena vrijednost iznosi do 32.000,00 KM bez uračunatog PDV-a i

LOT 2 - kancelarijske i konferencijske stolice, procijenjena vrijednost iznosi do 18.000,00 KM bez uračunatog PDV-a

Obavještenje o nabavci broj: 20936-7-1-24-3-29/23 objavljeno je dana 15.05.2023. godine na Portalu javnih nabavki.

Krajnji rok za prijem ponuda bio je 01.06.2023. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-1422/22 od 08.11.2022. godine.

Komisija za javne nabavke dostavila je Odsjeku za materijalno opremanje i komercijalne poslove Zapisnik sa otvaranja ponuda broj: 05-04/01-1-11-450/23 od 01.06.2023. godine i Zapisnik o ocjeni ponuda broj: 05-04/01-1-11-450/23 od 01.06.2023. godine sa Preporukom o izboru najpovoljnijeg ponuđača broj: 05-04/01-1-11-450/23 od 09.06.2023. godine, u postupku javne nabavke predmetne robe.

U postupku po Zapisniku o pregledu i ocjeni ponuda je utvrđeno da je Komisija za nabavke blagovremeno i pravilno izvršila otvaranje, pregled i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene 4 (četiri) ponude za LOT 2;
- da su sve ponude blagovremeno primljene;
- da nije bilo neblagovremeno primljenih ponuda;
- da su ponude ponuđača: „PROTIM“ D.O.O. Sarajevo, „INTER-COM“ D.O.O. Zenica i „R&S“ D.O.O. Sarajevo za LOT 2 prihvatljive
- da je ponuda ponuđača: „SCHWAM“ Brdar Miroslav SP Banja Luka za LOT 2 neprihvatljiva

Dalji postupak Komisija je provela u dvije faze:

- u prvoj fazi obavljena je provjera kvalifikacija ponuđača, prema uslovima i kriterijima utvrđenim u tenderskoj dokumentaciji,
- u drugoj fazi zakazana je e-aukcija, te su date preporuke Ugovornom organu za dalje postupanje u ovom predmetu.

Uvidom u dostavljene ponude i dokumentaciju ponuđača za LOT 2, Komisija je utvrdila da ponuđač „SCHWAM“ Brdar Miroslav SP Banja Luka ne ispunjava sve uslove koji su traženi tenderskom dokumentacijom iz razloga što navedeni ponuđač u svojoj ponudi za LOT 2 nije dostavio Izjavu o roku isporuke robe potpisanu i ovjerenu pečatom ponuđača, a koja je tražena tačkom 3.4.5. tenderske dokumentacije. Takođe, utvrđeno je da ovaj ponuđač u svojoj ponudi za nije dostavio Izjavu o garantnom periodu za robu potpisanu i ovjerenu pečatom ponuđača, a koja je tražena tačkom 3.5.3. tenderske dokumentacije. S obzirom na utvrđeno, navedeni ponuđač ne može učestvovati u e-aukciji.

Uvidom u dostavljene ponude i dokumentaciju ostalih ponuđača, Komisija je konstatovala da ispunjavaju sve postavljene uslove u tenderskoj dokumentaciji, te će ponuđač koji bude prvorangiran nakon provedene e-aukcije biti predložen za dodjelu ugovora.

Komisija za javne nabavke je dana 02.06.2023. godine zakazala e-aukciju za LOT 2 sa početkom dana 05.06.2023. godine u skladu sa kriterijem za dodjelu ugovora iz tenderske dokumentacije: najniža cijena.

Početna rang lista ponuđača koji su pozvani da učestvuju u e-aukciji za LOT 2:

R. br.	Naziv ponuđača	IDB/JIB	Početna cijena u KM bez PDV-a	Rang
1.	R&S DOO SARAJEVO	4200056290005	17.703,00	1
2.	PROTIM DOO SARAJEVO	4202459050007	17.965,00	2
3.	INTER-COM DOO ZENICA	4218087760006	17.995,00	3

Konačna rang lista ponuđača koji su učestvovali u e-aukciji za LOT 2:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	R&S DOO SARAJEVO	4200056290005	17.703,00	0%	1
2.	PROTIM DOO SARAJEVO	4202459050007	17.965,00	0%	2
3.	INTER-COM DOO ZENICA	4218087760006	17.995,00	0%	3

Podaci o ponuđaču čija je ponuda ocijenjena kao najpovoljnija:

PODACI O NAJPOVOLJNIJEM PONUĐAČU	
Naziv ponuđača	R&S DOO SARAJEVO
Sjedište i adresa	Igmanska bb, 71320 Vogošća
Ukupna cijena ponude bez PDV-a	17.703,00 KM
Ukupna cijena ponude sa PDV-om:	20.712,51 KM

U postupku donošenja ove odluke, posebno su cijanjene činjenice da je Komisija pravilno i potpuno izvršila ocjenu ponude, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b), člana 87. i člana 88., člana 70. stavovi (1), (3) i (6) Zakona o javnim nabavkama Bosne i Hercegovine ("Sl. glasnik BiH", broj: 39/14 i 59/22), člana 26. i člana 27. stav (3) Zakona o unutrašnjim poslovima Unsko-sanskog kantona ("Službeni glasnik USK-a", broj: 13/16 i 16/17), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno, elektronskim putem ili preporučenom poštanskom pošiljkom na adresu Ugovornog organa.

Dostavljeno:

1. Ponuđaču: „INTER-COM“ d.o.o. Zenica, putem e-maila: stolarija@inter-com.ba
2. Ponuđaču: „SCHWAM“ Brdar Miroslav SP Banja Luka, putem e-maila: schwam@blic.net
3. Ponuđaču: „R&S“ d.o.o. Sarajevo, putem e-maila: dino.besirevic@ris.ba
4. Ponuđaču: „PROTIM“ d.o.o. Sarajevo, putem e-maila: info@protim.ba
5. Sektor za mat.-fin. poslove i IKT - za objavu
6. a/a

NAČELNIK SEKTORA
KRIMINALISTIČKE POLICIJE
samostalni inspektor

Jusuf Mešić

